

★1۔ وزیر اعظم نریندر مو دی نے تامل ناڈو مانہہ نواں پمبان ریلوے پُل غو افتتاح کیو ہے۔ اُنہاں نے 8 ہزار 3 سو کروڑ روپیاں غی لاگت آلا ریل تے سڑک پروجیکٹاں غو نیں پتھر وی رکھیو۔

★2۔ وزیر داخلہ امت شاہ جموں کشمیر غا اپنا 3 روزہ دورہ ور اج جموں پُج ربیا ایں۔ وے اپنا دورہ غے دوران یوٹی غی سلامتی صورتحال غو جائزو لیں گا۔

★3۔ رام نومی غو تہوار اج جموں خطہ مانہہ مذہبی عقیدت تے جوش و جذبہ سنگ منایو جا رہیو ہے۔

★4۔ جنگلات محکمہ غا وزیر جا وید احمد رانا نے جنگلات غا تحفظ با رے کی جان آلی کو ششمان مانہہ بابدو کرن غی ضرورت ور زور پایو۔

PM Tamil Nadu Visit

وزیر اعظم نریندر مو دی نے تامل ناڈو غا پمبان غا مقام ور اک اک سمندری پُل غو افتتاح کیو ہے۔ اُنہاں نے اس وروں پہلی وری چلن آلا اک کو سٹ گا رڈ جہاز نانہہ جھنڈی دس غے روانہ کیو۔ وزیر اعظم نے اس توں علا وہ رامیشورم، تمبا رم، ایکسپریس نانہہ وی جھنڈی دس غے روانہ کیو ہے۔ اس سمندری پُل مانہہ خود کا ری، برقی، مکینکل لیفٹ نظام موجود ہے۔ جس غی مدد سنگ یوہ پُل 17 میٹر توڑی اُپر اُٹھ سکے، تے اس نال سمندری جہاز نانہہ آسانی سنگ گزرن مانہہ مدد مل سکے۔ اس پُل غی تعمیر ور 5 ارب 50 کروڑ روپیاں غی لاگت آئی ہے۔ تے اس غو رامائن سنگ بڑو گھرو تے نمایاں ثقافتی تعلق ہے۔ یوہ پُل رامیشورم نانہہ زمین سنگ جوڑے گو۔ آج رام نومی غا موقع ور وزیر اعظم نے رامیشورم مندر مانہہ پوجا کر غے عقیدت وی پیش کی۔ وزیر اعظم نے اس توں علا وہ 8 ہزار 3 سو کروڑ روپیاں غی لاگت آلا ریل تے سڑک پروجیکٹاں غو افتتاح کیو اور نیں پتھر رکھیو۔ یہ پروجیکٹ وی زمینی رابطہ نانہہ رامیشورم سنگ جوڑیں گا۔

HM JK Visit

مرکزی وزیر داخلہ امت شاہ اج جموں کشمیر غو دورو لا غے سلامتی صورتحال غو جائزو لیں گا۔ اپنا 3 روزہ دورہ غے دوران وے جموں مانہہ بی جے پی غا ممبران اسمبلی سنگ میٹنگ لان غے علا وہ 2 بکھ بکھ اہم میٹنگاں غے دوران سلامتی صورتحال تے سالانہ امرناتھ یا ترہ ور غور کریں گا۔ وے اس توں علا وہ ویڈیو کا نفرنسنگ غے ذریعے کئی پروجیکٹاں غو وی افتتاح کریں گا۔ وے کئی پروجیکٹاں غو

نئیں پتھر وی رکھیں گا۔ اس سلسلہ مانہہ مزید جانکا ری آکاشوانی جموں غا مہا را
نمائندہ غی زبانی۔۔۔۔۔ بائٹ۔۔۔

Navratra

چیترا نوراتری غے آخری تے نوویں تہاڑے رام نومی غا موقع ور کٹڑہ غی تربکوٹہ پہاڑیاں
مانہہ واقع شری ماتا ویشنو دیوی مندر غی گُفہ مانہہ عقیدت منداں غی بھیڑ لگاتار جا
ری ہے۔ نو راتراں غا موقع ور شری ماتا ویشنو دیوی شرائن بورڈ غی طرفوں مہیا
کرائی جا رہی سہولتاں تے خدمات با رے جانکا ری دیتاں واں بورڈ غا چیف ایکزکیٹو
افسر انشل گرگ نے دسیو ہے جے اس وری اک سمارٹ لاکر نظام شروع کیو گیو ہے تے
اس غو بہتر رد عمل وی باندے آيو ہے۔ اس با رے جانکا ری دیتاں واں سی ای او انشل
گرگ نے اس راہ دسیو۔۔۔ بائٹ۔۔۔ اسے دوران جموں خطہ مانہہ نو راترا اختتام پزیر ہو گیا
ایں تے لوکاں نے اپنا کہراں مانہہ کنجک پوجا کی تے ماں دُرگا غو اشیر واد حاصل کیو۔
واضع رہ جے چھوٹی بچیاں غی پوجا کرن غی روایت 9 تہاڑاں ور مہنی نوراتراں غا
تہوار غا اختتام غی تقریبات غو اک حصو ہے۔ اُواں جموں مانہہ رام نومی غو تہوار بڑی
عقیدت تے جوش و جذبہ سنگ منایو جا رہیو ہے۔ جموں شہر غا بکھ بکھ مندران مانہہ
بڑی تعداد مانہہ عقیدت منداں غی بھیڑ دیکھی جا رہی ہے۔ جن مانہہ خاص کر باوا والی
ماتا غا تاریخی مندر مانہہ عقیدت منداں غی خاص بھیڑ دیکھی گئی ہے۔ لوگ شری رام
چندر جی غا جنم تہاڑا غا موقع ور سویر تیں ہی پوجا تے مذہبی تقریبات مانہہ شرکت
کرتا دیکھیا جا رہیا ایں۔ مندران مانہہ عقیدت منداں غی طرفوں بھجن وی گایا جاتا
رہیا۔۔۔ بائٹ۔۔۔

Rajouri Day

سیول سو سائٹی غا ممبران نے ضلع انتظامیہ راجو ری غا اشتراک نال ہفتہ پہر چلن
آلی تقریبات غو اج افتتاح کیو۔ پہلے تہاڑے اے ایل جی راجو ری غے قریب شہیدی
چوک گجر منڈی مانہہ سماج مانہہ امن، رواداری تے بھائی چارہ غی بحالی غا پیغام نال
اک روزہ تزکیہ نفس غو اہتمام کیو گیو۔ اس تقریب غو مقصد 48/1947 غا شہیدان نانہہ
خراج عقیدت پیش کرنو ہے، جنہاں نے راجو ری نانہہ قبائلی حملان تیں بچان واسطے
اپنی جان قربان کیں۔ یاد رہ جے پاکستانی فوج غا 6 مہینہ غا قبضہ تیں بعد 13 اپریل
1948 نانہہ راجو ری نانہہ آزاد کرایو گیو تھو تے اس آزادی واسطے تقریباً 30 ہزار افراد نے
اپنی جان قربان کی تھیں۔ ہر سال ضلع انتظامیہ سیول سو سائٹی غے نال مل غے یوم
راجو ری مناوے۔۔۔ بائٹ۔۔۔

Director Education

ڈائریکٹر اسکولی تعلیم جموں ڈاکٹر نسیم جاوید چودھری نے صوبہ جموں غا افسران نال اک اہم میٹنگ غی صدارت کی جس مانہ تمام ضلعان مانہ مداخلتی سکیمان غا نفاذ غو جائزو لیو گیو۔ ڈائریکٹر موصوف نے سرکار ی اسکولان مانہ تعلیم ور ور یتو تے این ای پی 2020 غی سفارشات ور بروقت عمل درآمد ور زور یتو۔ انسانی وسائل غا انتظام، اساتذہ غی تربیت، طلباء غی کارکردگی تے اسکولان مانہ بنیادی سہولیات جیسا مسائل ور وی گل بات ہوئی۔ ڈائریکٹر موصوف نے چیف ایجوکیشن افسران مانہ ہدایت جاری کیں جے وے مناسب بنیادی ڈھانچہ تے معیاری تعلیم مانہ یقینی بناویں تے انہاں نے افسران غی کوششاں غی تعریف کی تے معیاری تعلیم فراہم کرن غا عزم غو اعدو کیو۔

مزید خبراں نال عبدالمجید۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں)

Rana Conservation

جنگلات محکمہ غا وزیر جاوید احمد رانا نے آج جنگلاتی وسائل غا تحفظ تے ساہم سمہال مانہ مزید بہتری لیاں بارے متحدہ حکمت اپنایا جان غی ضرورت ظاہر کی ہے۔ انہاں نے خاص کر غے جنگلاتی زندگی غا تحفظ تے ماحولیاتی نظام ور خصوصی تو جہ دین ور زور پایو۔ انہاں نے اس گل غواظہار سرینگر مانہ محکمہ جنگلات غی اک جائزہ میٹنگ غے دوران کہیو۔ جنگلاتی تحفظ غی کوششاں مانہ باندو کرن غی ضرورت ور زور دیتاں واں انہاں نے اس خاطر بہتر تال میل ور مبنی حکمت عملی اپنایا جان واسطے کہیو۔ تانجے جنگلات غا تحفظ بارے مجموعی طور ور موثر نتیجہ حاصل کیا جا سکیں۔ جناب رانا نے جنگلات غا تحفظ مانہ مقامی لوکاں غا کردار ور لوہ پاتاں واں کہیو جے کمیونٹی فارسٹری تیں کئی فائدہ حاصل کیا جا سکیں۔ جن مانہ جنگلات غا کٹاؤ مانہ کمی لیاں تے زمین غا پائیدار استعمال مانہ فروغ دینو شامل ہے۔

NSE CEO

نیشنل سٹاک ایکسچینج گا منیجنگ ڈائریکٹر آشیش کمار چوبان نے ماتا ویشنو دیوی شرائن کٹڑہ مانہ درشن کیا ہیں۔ اپنا دورہ غے دوران انہاں نے گفہ غے تئیں اپنی گہری عقیدت ظاہر کی۔ انہاں نے اس موقع ور حالیہ عالمی اقتصادی صورتحال ور وی لوہ پائی۔ امریکی صدر غی طرفوں مجوزہ ٹیکس بارے گل کرتاں واں انہاں نے دسیو جے اس غو بھارت ور کہٹوں کہٹ اثر پین غی اُمید ہے۔

ٹی بی غا مرض ور قابو پان واسطے اک قدم غے طو ر ڈپٹی کمشنر جموں سچن کمار ویشا نے چیسٹ ڈیزیز ہسپتال گو رنمنٹ میڈیکل کالج جموں مانہ مریضاں مانہ غذائی کیٹ تقسیم کی۔ یاہ تقریب ٹی بی مُکت بھارت ابھیان غو حصو تھی، جس مانہ چیف میڈیکل افسر ڈاکٹر ہر بخش سنگھ وی موجود تھا۔ اس موقع ور بولتاں واں ڈی سی موصوف نے مریضاں ور زور پایو جے وے صحت مند طرز زندگی تے بلا ناغہ کسرت نانہ اپنا ویں۔ تے ٹی بی لا علاج نہیں ہے۔ اس تقریب غو انعقاد جموں کشمیر بینک غی طرفوں بینک غا کا رپو ریٹ سوشل رسپانسبلٹی انیشیٹیو غے تحت کیو گیو تھو۔

Enrolment Drive

تعلیمی سال 2025\26 واسطے سرکارى اسکولان مانہ بچاں غی تعداد بدھان تے بچاں غا سرکارى اسکولان مانہ متا تیں متا اندراج واسطے ضلع پونچھ مانہ اک مہم شروع کی گئی جس غی قیا دت چیف ایجوکیشن افسر افتخار علی شاہ قاضی نے کی۔ اساتذہ، طالب علماں تے مقامی لوکاں ور مشتمل اس بیداری مہم غو مقصد سرکارى اسکولان مانہ بہتر سہولیات تے معیارى تعلیم غا با رہ مانہ جانکارى عام کرنو تھو تے اس سلسلہ مانہ دور دراز علاقان ور خصوصى تو جہ مرکوز رہی۔ کنوئیاں زون گا سرکارى مڈل اسکول دھانٹ مانہ منعقدہ اک رسائی ریلی مانہ مُفت درسى کتاب، وردھى، کھانو تے بچاں دوست سکھن غا ماحول جیسا سرکارى غا اقدامات با رے لوکاں نانہ جانکارى دتی گئی۔ اس مہم غو مقصد سرکارى اسکولان مانہ بچاں غی تعداد نانہ بدھانو تھو۔
